

富平縣志卷之六

西亳 喬履信敦峯 編次

洛陽 張雄圖慕堂 校訂

名宦

峴山碑桐鄉祠千古艷之近世一縣邑中奚啻祠櫺比碑林立矣豈盡如古人耶鑄以口事以心感之者共知之致人之感者自知之志名宦

漢

尹賞字子心鉅鹿人成帝時以廉舉令粟邑有治聲馮翊太守薛宣見而竒之時頻陽多盜縣令薛恭

富平縣志

卷之六 名宦

一

不能治宣隨調賞治之境內以安

晉

梁肅負文武才爲頻陽令時劉曜攻長安三輔騷然安平太守賈疋威名甚著肅將附疋計恢復遇諸塗遂推平南將軍率衆攻曜

後周

令狐整燉煌人徙家中華爲中華守時郡務草創整一切調停身任之稱良守焉

唐

李大亮涇陽人忠謹剛烈少負竒節高祖入關授土

門令值歲饑且盜聚亮撫疲民墾畝教耕歲乃大熟又擊盜盡平無何胡寇至度不能支單騎詣胡曉以禍福遂降之帝聞大悅累擢至工部尚書卒謚曰懿陪葬昭陵

張行成字德立義豐人擢制舉乙科爲陳倉尉調富平主簿有能名補殿中侍御史糾劾嚴正累官至尚書左僕射太子少傅

崔衍安平人天寶末擢明經調富平尉尋調清源令勸民力田懷附流亡觀察使馬燧表其能徙美原尉儉約畏法祿周親族葬埋嫁娶依以濟者甚衆富平縣志

卷之六

二

時建言民瘼德宗嘉之詔爲觀察使卒日以遺惠在民贈工部尚書仍錄其嗣謚曰懿

裴埒字強中絳州聞喜人擢進士第以賢良方正對策第一補美原尉後遷考功員外郎累擢中書侍郎同中書門下平章事加集賢殿大學士

胡珣爲富平尉長於吏治剖決如流一府稱其明斷

宋

司馬炫夏縣人溫公會祖舉進士以氣節著鄉里爲富平令在官未幾境內大治

張龜年天聖中爲富平令以循良稱民愛戴之明道

時詔增秩再任順民望仍以治行風告天下  
王哲令富平時邑多淫祠哲痛革之毀赤眉祠以祀  
李光弼又封其墓書其碑曰使後世知忠良勤勞  
可祀百世

侯延廣平遙人端拱間爲同麟坊延丹緣邊都巡檢  
使時叛卒劉渥嘯聚亡命寇耀州富平縣謀入京  
兆其勢甚盛延廣率兵數百自間道追渥至富平  
西十五里及之渥素憚延廣傳言我輩草間求活  
視死如鴻毛侯公家世富貴奈何與亡卒爭湏臾  
命延廣聞之怒挺身出擊戰大樹下斷渥右臂脫  
富平縣志 卷之六 名宦 三  
而走追兵旋獲之渥素驍勇至是爲延廣所殺群  
盜喪氣稍稍自歸關內以定上嘉其功擢拜崇儀  
使

劉湜字子正彭城人舉進士爲富平令有盜掠人子  
女旣就擒陽死伺間逸去追獲復陽死湜促焚其  
屍後拜監察御史

高文林令美原有惠政值歲旱禱於頻泉翌日果雨  
林曰是福地也遂祠之事載趙節度推官記中  
王居仁政和中爲美原令旱甚禱罔應仁迎神園亭  
率僚禱頻山祠未幾大雨歲熟

元

楊朝列大定人大德間令富平重農課桑誨士猶諄人愛戴之時關內多蝗獨不入境祠在王寮鎮左有碑

王會字彥嘉新野人至正間爲富平守禦時郵亭供費浩繁民甚苦之會易以市廛俾得息肩又疏永潤濱河諸渠灌田旱不爲災近山田遇雨水溢輒壞教民築隄賴以無虞

明

孫義洪武十五年任承元末極敝事皆草創躬行儉富平縣志

卷之六

名宦

四

約飭簞簞以爲民生建社稷風雲雷雨山川暨邑厲諸壇

張得先洪武二十三年任時中原初定衆庶艱食首建招福平臯頻陽永閩四鄉社倉以贍閭閻民利賴焉

石確昌黎人監生永樂四年任性坦易明爽服官五年漑政公勤終始如一有樂只愷悌風

高應舉大足人正統六年以監生任謹厚雅飭實心幹濟扶弱鋤強不少假借在事九年廢墜畢張縣倉預備倉皆移置今所城隍祠尤極力崇飾嘗徵

行過酒肆聞人問酒何如酒家曰高知縣問者訝  
叩之曰徹底清父老至今傳之

馬元保定人景泰四年任慨然以興學爲己在月試  
旬課日有講明又躬行道義爲諸士先儒風大振  
邑科目題名自元設

王傑字時英天順三年以監生任多才能爲政識大  
體兼練民情新縣治修文廟聲名籍甚

韓楷山東人舉人成化六年任性剛介寡言笑暴橫  
者憚若神明重修文廟毫不累民

郭鎔成化十年任政尚勤儉務大體絕苞苴建鼓樓  
及吏胥諸房多所興葺時稱循吏

張本河南人舉人成化十九年任質直尚義民不敢  
欺尤注意庠序設後堂於明倫堂北左右各翼五  
楹以處師儒士追思之

陳潤字維澤大興籍臨安人進士弘治元年任持已  
公廉平易近人民愛如父母馭吏體嚴而恕胥徒  
畏服初闢西門廣明倫堂爲五楹文教煥然陞沔

陽州知州

李良字從善固始人舉人弘治六年任有擔當喜任  
事建學舍並醫學陰陽學修永興橋興舉甚夥議

纂縣誌未卒事去

呂子固解州人舉人弘治初爲富平教諭賦性剛正立教嚴肅晝課生儒於堂夜秉燭巡視漏下二滴始罷晨興考校不率教者予夏楚多所成就兼喜著作縣令李良屬纂邑志惜未就

李壽冒太原人進士正德年任有才幹善折獄興革得宜捺守嚴正百姓畏之時後先尹縣者以昌爲第一

劉藻字文潔彭縣人舉人正德十一年任政有風力不拘小節

富平縣志

卷之六

名宦

六

王宗源字文淵吳橋人舉人正德十一年任方正有守政先明斷視篆未幾卒邑人涕泣送之

楊玘字文瑞太原人監生正德十三年任望之凝然老成而剖決如流長於吏治凡前令修葺未竣事極力成之

羅星威遠人監生嘉靖初任訓導性方正言動不苟士類式之時縣尹稍易星遂棄官去其風節如此胡山富順人舉人胡文定公後嘉靖四年調富平令初會白水多所建白慷慨負奇氣遇盤錯身任之時巨寇劉朝臣大小馬暨遊俠者驕橫武斷閭閻

側目山首捕之置重典又以法繩豪右四野肅然  
遇生僞息義兼隆創經閣繕學宮文風丕振陞易  
州知州去時父老攀臥與至不得行又刊碑紀其  
惠

楊時泰號恒南真定人進士嘉靖八年任勁直著清  
節接人泣事一過輒不忘富邑田故無井泰教設  
桔槔兼疏渠道灌溉歲不能災又自所轄發廩賑  
貧居甫一年邑稱大治以繁調章邱百姓刻碑誌  
德光祿卿馬理紀之

劉希簡號了庵漢州人進士嘉靖九年以給事中左

富平縣志

卷之六

名宦

七

遷富平令剛毅挺直節不可奪搏擊強豪不遺餘  
力守尤清嚴又建新城書院以造士甫期年邑稱  
大治後因公罰調用人咸惜之官終盡冒知府  
韓嘉會眉州人舉人嘉靖十三年任機文學守清苦  
每朔望誓廟曰嘉會清歸神必福歸嘉會賦歸神  
必禍歸闕者稟然以憂去

高義葉縣人舉人嘉靖十五年任外柔內剛禮師儒  
撫瘡痍不愧良吏陞平涼苑馬寺寺丞

張續安陽人舉人嘉靖十九年任政尚和易然不可  
干以私

劉燾霍州人舉人嘉靖二十二年任性醇惠聽訟能盡民情催科尚寬人不忍欺洪水故速賦後稱良里完額自照始

胡志菱號濟南安邑人進士嘉靖二十四年任器局整肅人望而畏之出令如山人弗敢違所建有鼓樓磚堦暨諸堡墻在事四年以異政徵拜監察御史官至巡撫榆林都察院右僉都御史

劉尚禮汾州人舉人嘉靖二十九年任才氣英發抑強扶弱又旌善者以厲風教未幾以憂去

何通衢易州人舉人嘉靖三十年任清操自持寬嚴得宜不愧循吏以忤府調用

趙桐號嶧山絳州人進士嘉靖三十二年任弘濶不羈然聰明過人制作倚馬立辦人共推之愛才禮士尤極誠切

祝安洛陽人舉人嘉靖間爲富平教諭善屬文在師席時誦讀無異學士又恥言利諸生賢者優禮之以憂去

崔舉唐山人舉人嘉靖三十八年任古朴尚道義注措一本誠心革里甲日支費百姓感若父母又均田數餘地二千餘頃取爲脂膏態社鼠者萋菲以



去既歸四壁蕭然無少怨尤邑人孫丕揚巡撫北  
直題其門曰清吏第

史燦號鶴亭舉人開州人隆慶七年任剛方有遠畧  
接上下截然有體強橫者法懲不少借臨良民以  
和氣縣中故有總里日釀金候尹措用歲會不啻  
千金燦盡革之境內歡然又文廟以地震後陋甚  
燦倡修諸紳士輸金出納未經燦手當路疑其乾  
沒竟以簡調

聶武字仁卿當陽人舉人萬曆二年任蒞政精嚴發  
摘如神有僧匿民婦歷年無問者武廉得狀置之

富平縣志

卷之六 名宦

九

法立焚其寺人稱神君又文廟大工能終前令事  
楊守川號濬源絳州人舉人萬曆五年任動履謹飭  
防吏如寇視民如子邑北山產石諸郡縣採者率  
邑民代運里甲更班名匪班車歲費數千金百姓  
苦之守川申自得均派

楊君惠號澣北徽州人監生萬曆間任訓導少有柳  
下之操兼讓貢授金諸善狀比司教席益擴廉節  
又立會課督諸生讀秦漢文其貧不能婚喪者捐  
俸周之陞井研知縣

楊允中遵化人以庶吉士改監察御史左遷西安同

知時值歲大凶跳梁者盤據北山以數百計死中  
單騎馳至集千百長群力團練于美原堡不五旬  
擒其渠魁一方累勦措諸衽席北山人每談禦寇  
必曰印南先生印南又中號也

劉兌字景澤號鍾所新安人舉人萬曆八年任時奉  
司農覈田兌令有田者先自擬等併以數聞率吏  
親執丈量之漏者聽自首不罪乃區分金銀銅錫  
鉄五等視地酌糧等度盡善克奉上令而民不累  
至今尸祝又興復漆沮趙氏溫泉諸水利創立者  
七疏通者二十有二計灌田數千畝遂成永賴建

富平縣志

卷六 名宦

十

修廟壇祠宇郭門公廨具如法式有祠在北郭外

信按公遺愛在人到今弗替每聽訟時卽山農

野老多出公均田冊籍相質曰此劉爺原劄也  
赫禱脫落朱墨黯澹歷數百年遵如著蔡視古  
循良宜其上泰一座矣

承光大同衛人萬曆年任先是郡守某設立鄉約  
他邑有司視爲故事光奉行惟謹家喻戶曉勤督  
厚期不遺僻壤民風一變

侯來詔山東人萬曆年任肅嚴清正遇事明斷民立  
祠祀之

李承顏曲沃人舉人萬曆年以高陵令調任捺守清  
嚴民懷其惠

王正志祥符人進士萬曆二十七年任性剛方為政  
持大體不事煩苛民甚安之時稅璫梁永肆虐關  
中道人至富倚勢橫索正志各予笞斃一人被誣  
挈解是日縣試正志以道之將行四句命題放榜  
後赴省懷白刃向永撫道方解方已後竟瘦死詔  
獄富人寃之與劉焦二公建祠並祀劉解元士龍  
有記

宋曰就沂水人萬曆三十二年任和平寬厚勤政愛  
富平縣志

卷之六 名宦

十一

民有宋佛之稱

隋不矜壽光人舉人萬曆四十一年任愛民如保赤  
待士以和稱賢父母

王汲初山西人萬曆四十七年任剛果嚴肅執法不  
撓

宋果萊陽人進士天啓五年任剔蠶奸弊狐鼠屏跡  
賈太初河間人進士崇禎十年任以文盛性寬和聽  
訟明允徵輸不擾修理文廟黜堊一新有祠碑調  
知襄陽縣

本朝

薛良明漢軍人順治二年任政務寬平陸漢中府知

李之粹漢軍人舉人順治九年任任事有胆量政  
尚嚴肅盡革里馬安置行取御史累官至江西  
巡撫

汪惠山東人貢士順治十三年任渾厚精閱聽斷  
稱平民安之

鄭崑璧字崑輝文水人進士順治十七年任邑中  
故多水利崑璧因勢利導各支渠漆沮金定北  
溫泉諸河岸地悉成沃壤又編審均粟吏胥罔

富平縣志

卷之六 名宦

十一

得上下其手通志有傳

郭韓芳字九芝山西大同威遠衛人由選貢授咸  
寧縣丞攝邵陽長安篆俱有聲遷富平令值滇  
逆之變涼寇竄繁傳芳偵賊將入境乘霧搗其  
巢斬獲有功時軍書旁午傳芳轉輸有法民不  
告勞常語人曰爲百姓卽爲朝廷聞者歎服

信按

本朝名宦故不乏人而贈家人口歷久弗替者惟此  
公稱最幾與前公相伯仲上丁附祠血食  
同鄉贊嗚呼豈徒哉

蔣陳錫江南常熟人進士康熙三十年任甬至值  
關輔大饑流移載道捐千金設廠煮粥以食饑  
者全活無算復捐貲收糶道殣時瀕河水利久  
弛陳錫循行阡陌疏故王帶直城文昌各渠民  
享灌溉之利後歷官雲貴總督

楊勤字慎修漢置正紅旗人監生康熙四十八年  
任剛斷有惠政開渠灌田民利賴之值歲歉訪  
民間孤弱無依者育署中存活甚衆五十七年  
富邑應撥糧若干運軍請勤時奉委辦差涼州  
代民賣納省挽輸勞費計萬餘金民極感之又

富平縣志

卷之六 名宦

十三

力表孫自慎妻樊氏苦節詳見孝義樊氏傳

李肖筠河南夏邑人舉人雍正五年任操守清嚴  
爲政寬和仁慈識大體先是邑孫姜里浮糧賄  
累幾數十年民多逃亡肖筠具詳請豁奉駁覆  
勘緣調辦噶斯軍需未及行繼事者憚覆勘勞  
事遂寢雍正十三年知縣喬履信蒞任里民復  
懇因檢舊牘具請得

肯永免民以事端發自肖筠至今懷之後陞邠州牧  
現任潞安知府

西亭喬履信曰所在無赫赫名所去人思不其難乎

曰不難務實不務名故無赫赫名未去務實不務名故所去人思無名之名斯真名無名之名不僅名也

又曰富邑名宦殊寥寥歷按政蹟提魯攀卓者堪幾屈指即有美畢登永雷厥後繼而起者或躡其塵抑或駕乎其上先正有靈安知不虛左俟與

